

Джилә зурагъан күцәхд цуг чидлән өгхмн

Прикаспийск МРС-н эклц парторганизацин тооцана болн сунъгъврин хург шидр болв.

—Тооцана замд эклц парторганизац КПСС-н XX-ч хургин тууджлгдсн шиидврмүд күцәхин төлә ноолда келгънд эрки онъган өгч кәдлмшән бурдәв.

Эдл-ахун тосхлгд, производств өргджүлхин зура күцәхд, техник болн тодрха экономик дасхд цуг онъган гүунәр өгч кәдлмшән бурдәхмн гидж КПСС-н XX-ч хург парторганизацсас нексиг хурдар күцәхин төләд производствин нур кәдлмшт 90 процент коммунистр тәвгдв. Улгүрнъ, коммунист Дорохин тенъгсд реюшечн колонн, Горбунов МРС-н капиталън флот гардна, Дмитриев—загъс анънлгъна зер-зевин мастер, нанъ чигн олт-зүсн кәдлмшмүд коммунистр гардна.

Эн джил загъс анънлгъна путинд белдвр кехин төлә бийдән авсн социалистическ даалгъвран цагланъ күцәгъад, болзглагъан кәдлмшән эклв.

Намрин путиниг МРС сән белдвртә тосв, ставной 5 шүүгүл, 11 онъгъцс зурагъасн улугаргъгдв, шинәс 20 шүүгүл, ставной 13300 метр шүүгүл гүргдв, 1700 капрона гәлм кегдв.

Гурвдгч кварталд загъс бәрлгънә зура 127 процент күцәгдв. Болв, эн джил зуна цагт загъс анънлгъиг цаг зуур зогсачксн учрар, МРС джилә зурагъан күцәдж чадсн уга. Джил чилтл зурагъан күцәхәр ноолда келгън—мана парторганизацин, МРС-н болн олт загъсчирин эрки чинртә төр мән.

Алдр Октябрин 40 джилә өбниг үктдж бийдән авсн даалгъвран „Каспиец“ колхозин Васильевин бригадин реюшечн звено, Ефремов, Бабищев, Шерстюков 150 процент, ставной шүүгүлин звеньевой Умбетамаев, Чаркин, Зубков—110-125 процент күцәцхәв. МРС-н кәдлмшчирин дунд норман 150 процент күргдж

күцәцхәснъ уурмуд Маринкин, Кабаков, Черняев.

Загъс бәрлг зер-зев келг цехин Алешечкин, Тышенко болн Кочетов норман 140 процент күцәгъад, эн цех дөрлдәнд негдгч орм эзләд, 9 сара зурагъан 149,6 процент күцәв,—гидж эклц парторганизацин сегләтр үр Давлешев докладган келв.

Цааранднъ үр Давлешев келв: эн джил мана МРС-д ирцхәсн хальмгудт 6 пәтр өгдв, 13 өрк-булд гермүд хулддж авхднъ, 5 өрк-булд бийсдән шин гермүд бәрхднъ, 47 өрк-булд мал хулддж авхднъ дөнъ болвдн.

Хургт 6 күн үг келв. Эдн эклц парторганизацин кәдлмшиг икәр шалгъдж келәд, кесг олт дугу-дундиг илдкдж заацхав. Олт дундин политическ кәдлмш-сул, эрсин газет хәтәр гарна, коммунистр политическ сургъулин занятд муугъар орлцна, эклц парторганизацин өслтнъ хашнъ, тооцана замд партин зергләнд негхи кү орулдж авч, активлә кәдлмш кехш, комсомолин болн профсоюзин кәдлмш муугъар гардна, эднд дөнъ-нөкд болхш гидж эклц парторганизацин сегләтр үр Давлешевин кәдлмшиг коммунистр шалгъв.

Коммунист Дорохин иигдж келв: сән кәдлмштә нур йовгч загъсчирт өгдг вымпел өггдхш, нам тер вымпелмүд хама бәәхинъ үр Давлешев медхш.

—Профсоюз соцдөрлдә гархш, профсоюзин чирә үзгдхш, Кундлгънә доска, эрсин газет, „листок“ гаргъхш. Загъс бәрлгънә зура күцәхд эн тоот харшллт болв. Ода, үвләр загъс анънлгъна кәдлмшт сәәнәр белдвр кех—цуг мана эрки төр—гидж коммунист үр Артаманов келв.

Тооцана доклад сонъсад, хург шиидвр авб.

Эклц парторганизацин сегләтрт үр Р. Поваляева сунъгъдв.

Д. САНГАДЖИЕВ.